



Broj: 10/E-11-1951/26-1
Sarajevo, ~~15-04-2026~~ godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova II, imenovana rješenjem Općinskog načelnika broj: 10-45-150/25 od 06.03.2026. godine, (u daljem tekstu: Komisija II), u postupku javne nabavke: Usluge izrade dokumentacije i vršenje nadzora iz komunalne oblasti – **LOT 1 – izrada projekta niskogradnje**, putem otvorenog postupka (Zapisnik o pregledu i ocjeni ponuda broj: 10/E-11-1951/26-1 od 9.4.2026. godine), Općinski načelnik donosi

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda prvorangiranog ponuđača **TRASA d.o.o. Sarajevo**, ulica Stjepana Tomića broj 3, 71000 Sarajevo, broj: 582-04/26 od 07.04.2026. godine, za usluge izrade dokumentacije i vršenje nadzora iz komunalne oblasti – **LOT 1 – izrada projekata niskogradnje**, putem otvorenog postupka, po cijeni u ukupnom iznosu od **47.170,00 KM bez PDV-a**, odnosno **55.188,90 KM sa PDV-om** i rokom izvršenja/izrade kompletnog projekta (prosječan broj dana) **7 (sedam) kalendarskih dana**.
- II.** Izabrani ponuđač je dužan da, u roku od **5 (pet) dana** od dana prijema ove Odluke, na protokol Ugovornog organa dostavi dokaze o ličnoj sposobnosti iz tačke 7.1. i 7.1.2. tenderske dokumentacije, u skladu sa članom 45. Zakona o javnim nabavkama, u formi **originala ili ovjerenih kopija**.
- III.** Ugovorni organ će sa izabranim ponuđačem zaključiti okvirni sporazum na period od 2 (dvije) godine, kojim će se regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- IV.** Ova Odluka se dostavlja ponuđačima koji su učestvovali u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- V.** Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

Obrazloženje

Postupak javne nabavke usluga izrade dokumentacije i vršenje nadzora iz komunalne oblasti, pokrenut je Odlukom Općinskog načelnika o pokretanju postupka javne nabavke, putem otvorenog postupka, broj: 10/E-11-1951/26 od 06.03.2026. godine.

Predmet nabavke podijeljen je na LOT-ove kako slijedi:

- LOT 1 – izrada projekata niskogradnje
- LOT 2 – vršenje nadzora nad projektima niskogradnje

Ukupna procijenjena vrijednost javne nabavke, za LOT 1 – izrada projekata niskogradnje, iznosi 50.000,00 KM bez PDV-a.

Obavještenje o nabavci: 848-1-2-49-3-83/26 od 16.3.2025. godine, objavljeno je na Portalu javnih nabavki (www.ejn.gov.ba).

U krajnjem roku za predaju ponuda određen tenderskom dokumentacijom (8.4.2026. godine do 10:00 sati), na adresu Ugovornog organa primljene su dvije ponude ponuđača: 1. TRASA d.o.o. Sarajevo i 2. Institut za građevinarstvo „IG“ d.o.o. Banja Luka. Nije bilo neblagovremeno pristiglih ponuda.

U skladu sa članom 63. Zakona o javnim nabavkama (u daljem tekstu: Zakon), Komisija II je u zakazano vrijeme pristupila javnom otvaranju pristiglih ponuda. Nakon što je utvrđena blagovremenost i urednost dostave, pročitane su cijene ponuda i rokovi izvršenja/izrade kompletnog projekta – prosječan broj dana, kako slijedi:

R/b	Ponuđač	Cijena ukupno bez PDV-a (KM)	Popust	Rok izvršenja/izrade kompletnog projekta – prosječan broj dana (kalendarski dan)
1.	TRASA d.o.o. Sarajevo	47.170,00	/	7 (sedam) dana
2.	Institut za građevinarstvo „IG“ d.o.o. Banja Luka	39.895,00	/	15 (petnaest) dana

Nakon izvršenog javnog otvaranja ponuda, na zatvorenom sastanku Komisija II je pristupila detaljnom pregledu i analizi dokumentacije priložene uz ponude, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacija ponuđača; ocjene tehničke prihvatljivosti ponuda, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Komisija II je jednoglasno konstatovala da dostavljene ponude ponuđača 1. TRASA d.o.o. Sarajevo i 2. Institut za građevinarstvo „IG“ d.o.o. Banja Luka ispunjavaju formalno-pravne, ekonomske i tehničke uslove, odnosno da ispunjavaju sve uslove iz tenderske dokumentacije i zahtjeve Ugovornog organa za predmetnu nabavku, kao i da su prihvatljive u smislu Zakona o javnim nabavkama.

Računskom provjerom ispravnosti ponuda ponuđača 1. TRASA d.o.o. Sarajevo i 2. Institut za građevinarstvo „IG“ d.o.o. Banja Luka, Komisija II je konstatovala da su podnesene ponude računski ispravne te da je ukupna cijena ponuda sa PDV-om pravilno obračunata.

U daljem toku postupka Komisija II je izvršila poređenje, vrednovanje i ocjenu dostavljenih prihvatljivih ponuda prema kriteriju za dodjelu ugovora, shodno Zakonu o javnim nabavkama, a prema proceduri utvrđenoj u tenderskoj dokumentaciji za predmetnu nabavku, primjenom odgovarajuće formule za vrednovanje pojedinih elemenata ponude i izračun ukupnog broja bodova, u skladu sa Pravilima o postupku, provjeri, proceduri i načinu vrednovanja – bodovanja kriterija za izbor najpovoljnijeg ponuđača kao sastavnom dijelu tenderske dokumentacije.

Primjenom utvrđenih potkriterija: 1. Cijena 60% i 2. Rok izvršenja/izrade kompletnog projekta – prosječan broj dana 40%, i bodovanjem elemenata iz dostavljenih ponuda, u okviru kriterija „ekonomski najpovoljnija ponuda“, shodno članu 64. stav (1) tačka a) Zakona o javnim nabavkama, Komisija II je izvršila ocjenu i bodovanje dostavljenih ponuda kako slijedi:

R/b	Ponuđač	KRITERIJ ZA BODOVANJE „ekonomski najpovoljnija ponuda“		
		POTKRITERIJ Cijena 60% (bez PDV-a)	POTKRITERIJ Rok izvršenja/izrade kompletnog projekta – prosječan broj dana 40% (kalendarski dan)	UKUPNO
1.	TRASA d.o.o. Sarajevo	$39.895,00/47.170,00 \times 60 = 50,75$	$7/7 \times 40 = 40$	90,75
2.	Institut za građevinarstvo „IG“ d.o.o. Banja Luka	$39.895,00/39.895,00 \times 60 = 60$	$7/15 \times 40 = 18,66$	78,66

Rangiranjem ponude u skladu sa kriterijem za dodjelu ugovora „ekonomski najpovoljnija ponuda“, i potkriterijima za vrednovanje 1. Cijena i 2. Rok izvršenja/izrade kompletnog projekta – prosječan broj dana slijedi:

Rang	Ponudač	Broj bodova	Cijena ukupno bez PDV-a (KM)	Rok izvršenja/izrade kompletnog projekta – prosječan broj dana (kalendarski dan)
1.	TRASA d.o.o. Sarajevo	90,75	47.170,00	7 (sedam) dana
2.	Institut za građevinarstvo „IG“ d.o.o. Banja Luka	78,66	39.895,00	15 (petnaest) dana

Shodno svemu naprijed izloženom, Komisija II je putem javnog glasanja jednoglasno donijela odluku da se Općinskom načelniku dostavi:

PREPORUKA O PRIHVATANJU PONUDE

Prvorangiranog ponuđača **TRASA d.o.o. Sarajevo**, ulica Stjepana Tomića broj 3, 71000 Sarajevo, broj: 582-04/26 od 07.04.2026. godine, po cijeni u ukupnom iznosu od **47.170,00 KM bez PDV-a**, odnosno **55.188,90 KM sa PDV-om** i rokom izvršenja/izrade kompletnog projekta (prosječan broj dana) **7 (sedam) kalendarskih dana**, kao najpovoljnije za usluge izrade dokumentacije i vršenje nadzora iz komunalne oblasti – **LOT 1 – izrada projekata niskogradnje**.

Sa izabranim ponuđačem će se zaključiti okvirni sporazum na period trajanja od **2 (dvije) godine**. Općinski načelnik u postupku evaluacije nije našao razloge niti nepravilnosti u radu Komisije II koji bi eventualno bili osnov za neprihvatanje preporuke Komisije II, te je odlučeno kao u dispozitivu ove Odluke.

Pouka o pravnom lijeku:


Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članu 101. stav (1) tačka d) Zakona o javnim nabavkama („Službeni glasnik BiH“, broj 39/14, 59/22 i 50/24).

Naknada za pokretanje žalbenog postupka iznosi 750,00 KM u skladu sa članom 108. stav (1) tačka a) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.

Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

Prilog: Zapisnik o pregledu i ocjeni ponuda
broj: 10/E-11-1951/26-1 od 9.4.2026. godine



Dostaviti:

1. Ponuđaču: TRASA d.o.o. Sarajevo, ulica Stjepana Tomića broj 3, 71000 Sarajevo
2. Ponuđaču: Institut za građevinarstvo „IG“ d.o.o. Banja Luka, ulica Kralja Petra I Karađorđevića 92-96, 78000 Banja Luka
3. Službi za stambene i komunalne poslove
4. Kabinetu općinskog načelnika – Odsjek za javne nabavke
5. Službi za finansije
6. U spis